



Հ Ա Ն Գ Ի Ս Տ

ԱՐԺԱՆԱՊԱՏԻՎ Տ. ԳՐԻԳՈՐ ԶԱՀԱՆԱ ՍԱՐԳՍՅԱՆԻ
(1880—1965)

Վերջերս Բաքվում վախճանվեց արժանապատիվ Տ. Գրիգոր քահանա Սարգսյանը:

Հանգուցյալը ծնվել էր 1880 թվականին Լեռնային Ղարաբաղի մարզի Մարտունու շրջանի Մամնա գյուղում, հողագործի ընտանիքում: Իր նախնական կրթությունն ստացել է Սարուշեն գյուղի Այվազյանի անվան դըպրոցում, ապա, Շուշու թեմական դպրոցն ավարտելուց հետո, էջմիածնում, Սահակ արքեպիսկոպոս Այվազյանի ձեռամբ, 1916 թվականի սեպտեմբերի 16-ին, ձեռնադրվել է քահանա, վերանվանվելով Տ. Գրիգոր:

Հանգուցյալը քահանայագործել է մարդաշատ Թաղավարդ, Սարգսաշեն գյուղերում և Գրոզնի, Կիլլար, Ս. Խաչ, Կիրովաբադ և Բաքու քաղաքներում:

1956 թվականին, քառասնամյա անխնջ քահանայագործության համար, Վեհափառ Հայրապետի կողմից պարգևատրվել է քահանայական լանջախաչով:

Հանգուցյալն իր բարեխիղճ աշխատանքով ու բնավորությամբ հարգված ու սիրված էր իր ժողովրդի կողմից:

Հանգուցյալի աճյունն ամփոփվեց իր ծննդավայր Մամնա գյուղում, տոհմային գերեզմանատանը:

Հանգի՛ստ նրա ոսկորներին և խաղաղու՛թյուն հոգուն:

